



UNIVERSITÄTS-  
BIBLIOTHEK  
PADERBORN

**Cursus Biennalis Studii Canonici, Sive Succincta Et  
Methodica Sacrorum Canonum Explanatio**

**Engelhard, Johann Martin**

**Moguntiae, 1700**

Titvlvs XVIII. De Confessis.

---

[urn:nbn:de:hbz:466:1-63255](#)

si obscurum sit, & non constet, uter ex litigantibus possideat.

QUÆRES 3. Quis sit sequestrationis effectus? Resp. Ejus effectus est actio sequestraria, competens pro rei sequestratæ restituzione. l. si oleum ff. de dol. mal. & translatio possessionis, quæ tam diu penes sequestrum remanet, donec controversia per sententiam terminata, sublata fuerit sequestratio & res vero Domino restituta.

## TITVLVS XVIII.

### De Confessis.

QUÆRES 1. Quid sit Confessio, & quætuplex? Resp. Confessio prout b. i. sumitur, est species probationis quæ ex propriâ rei vel actoris confessione habetur. duplex est, judicialis, quæ fit in iudicio coram Judice, alia extra judicialis, quâ reus extra iudicium aliquid fatetur, quod intentioni actoris deservire posset, c. 2. b. t. ad Judicialeм confessionem ex comuni Doctorū sententia requiritur: 1. Ut facta sit ab homine sanæ mentis & pubere, cum pupilli confessio sine auctoritate tutoris, sit ipso jure nulla. 2. Sit spontanea & libera, non vi, metu vel fraude extorta; can. si quandounque. c. 15 q. 6. Nec ex vehementi passione vel calore iracundiæ prolata: argum. l. 48. ff. de R. I. 3. Procedat ex certa scientia, non ex errore (facti non juris. cap. fin. b. t.) neque enim fatetur, qui errat. 4. Fiat in iudicio & coram Judice competente cap. si Clerici; de sententia, vel coram arbitro

Q 3

proce-

procedente secundum ordinem Iuris. 5. Præsente adversario vel ejus procuratore saltem de jure civili. 6. Sit de re certa. 7. Non sit in continentu revocata non enim pro confessu haberi potest, qui quod dixit, statim revocat. 8. Fiat ab ipsa parte non verò à Procuratore; hujus enim Confessio principali suo non nocet, cap. fin. b.t. Confessio sic judicialiter facta, plenisimè probat contra confitentem. l. i. ff. & Cod. de confess.

Dices allegans propriam turpitudinem non est audiendus, cap. 8. dedonat. Ergò confitenti contra se non erit credendum? Resp. Dist. Si id faciat, ad se excusandum. Conc. si ad accusandum Nego. confessio igitur nocet confitenti non prodest.

QUÆRES 2. Qua ratione judicialis confessio haberi possit? Resp. Modus judicialem confessum à reo obtinendi est iste; actor factum ex quo jus suum oritur judici per particulares propositiones proponit, dicendo v. gr. in mutuo. verum 1. quod reus ad me venerit, & mutuum petierit; verum 2. quod consuetas usuras solvere stipulatus sit. verum 3. quod Calendis Maji mutuum petum à me acceperit. verum. 4. quod intra biennium mutuatam sibi pecuniam reddere pollicitus sit, &c. Propositiones istæ vocantur articuli positionales, & libellus in quo continentur, dicitur articulatus. in sumario enim factum sumariè proponitur in articulato verò, ut modo diximus, per partes describitur. Hos articulos actor offert iudici, pertens admitti ad juramentum dandorum, simulque rogans ut & reo juramentum imponatur, quod de super interrogatus veritatem dicere velit, quod vocatur juramentum respondendorum, estque veritatis,

ritatis, intellige de iis articulis, qui attinent factum proprium, ad eos enim reus affirmativè vel negative respondere cogitur, si verò factum alienum contineant, cuius potest esse probabilis ignorantia, juramentum hoc est credulitatis, & sufficit si reus dicat, credo ita esse præstito hoc jurejurando, reus super articulis exhibitis examinatur, & ejus responsio ad singulos articulos protocollo inseritur, & auctor communicatur. quod si reus respondere recusat, omnes isti articuli pro confessatis habentur, hoc est, perinde est, ac si reus illos affirmasset.  
cap. 2. de confessis in 6. quod si verò respondeat, articuli quos affirmat habentur pro veris; quos autem negat, hos auctor probare debet.

**QUÆRES 3.** Quid probet confessio extrajudicialis? Resp. Si fiat parte adversâ præsente & expressâ causâ, v. gr. Titius fatetur se Cajo debere 100. ex causâ mutui, tunc si per duos testes judicialiter probari possit, plenè contra confitentem probabit; quod si adversario absente fiat aut probari nequeat, nihil omnino probabit. geminata tamen judiciali æquivalet; Menoch. libr. 2. præsumpt. 61. Ut & confessio extra judicialis jurata. Pyrrh. b. t. n. 36

**QUÆRES 4.** Quid probet confessio sacramentalis? Re pond. Confessionem sacramentalē in judicium deductam nihil probare; fit enim Deo non homini, & licet confessio talis vera censeatur, pro probatione tamen in foro externo adhiberi nequit, ob gravissimum sacramenti præjudicium, quod fractione sigilli redderetur onerosum.

**QUÆRES 5.** Cui noceat confessio? Répond. Soli confitenti, non aliis; hinc socii criminis

minis vi talis confessionis nequeunt condemnari,  
licet possint capi, & torqueri. cap. 10 20. de testib.  
l. 14. Cod. eod.

**QUÆRES 6.** Si quis in judicio incidenter crimen aliquod confiteatur, an etiam non instituto processu puniri possit? Resp. Assirm. cap. b.t. non tamen pœnâ ordinariâ; & sic intelligendus est canon. de manifesta, caus. 2. quæst. l. & cap. 1. de accusat. quibus inhibitetur ne quis sine accusatore puniatur. Quòd si verò auditâ criminis confessione judex ex officio novum processum instituat, & contra criminosum inquirat, pœnâ etiam ordinariam infligere poterit, uti ex cap. 2. b. t. desumunt Barbos. & Goncal. ubi Innocent. III. Canonicum, crimen simoniæ tantum inviderter confessum privavit officio & beneficio, quæ est pœna ordinaria simoniarum. cap. 11. § 37. de simonia, utique instituto novo processu inquisitionis contra confidentem, uti glossa communiter recepta interpretatur.

## TITVLVS XIX.

*De*

### Probationibus.

**Q**UÆRES 1. Quid sit probatio, & quomodo plex? Resp. Est ostensio vel manifestatio veritatis rei alienius dubiæ, cap. 3. de test. cog. Quæ sit vel per testes, vel per instrumenta, vel per præsumptiones, vel per jurandum de quibus ordine agemus. probatio alia est plena, alia semiplena; plena est, per quam ita certificatur iudex, ut cù solùm instructus, Controversiam firire, & pro probante sententiam ferre